

PAGESUSI GIYA 4

Ang Plano Sa Imong Kinabuhi

Tapos ang ministro namulong niadto nga suhito, “Nganong motoo ako ni Jesus,” ang maayo’g pamisti nga batan-ong lalaki mibisita kaniya sa iyang pagtuon ug mikomentaryo, “Ang imong gipamulong karong gabii maka-interes kaayo, apan ang tanan mong gipamulong mahitungod kang Kristo gikan sa imong Bibliya. Sultihi ako, kon si Jesus nagpuyo dinhi sa yuta, nganong ang kasaysayan wala man maghisgot kaniya?”

“Maayo kana nga pangutana,” ang ministro mitubag dayong talikod aron magkuha sa ubang mga libro, apan ang tinuod, ang kasaysayan naghisgot mahitungod ni Jesu-Kristo,”

“Mao na ang gusto nakong susihon sa akong kaugalingon,” tubag sa batan-ong lalaki.

“Hinuon aniay sulat 97 sa libro 10 sa letter of Pliny the younger, ang Romano nga proconsul in Bethynia, ang probinsiya sa karaang Asia minor. Nagsulat si Pliny ngadto sa Romano nga Emperador nga si Trajan, nagsulti mahitungod sa mga panghitabo sa iyang probinsiya. Tan-awa dinhi nangayo siya ug tambag ug unsaon niya pagdumala sa bag-ong tinuohan, ang mga kristohanon. Iyang gisaysay ang ilang kusog nga pagtubo ug giunsa nila pagkanta ang alawiton gimugna sa ilang pangulo nga is Kristo. Gipadala ni Pliny ang iyang tuig 110 A.D. Ang sinulat ni Pliny naghanyag ibidensiya sa kasaysayan sa tawo, nga mao si Kristo, ug ang pagsabwag sa Iyang pagtoo sa kaadlawan sa iyang mga apostoles.”

Ang batan-ong lalaki nahingangha ug miingon, “sultihi ako ug dugang.” Sa diha nga mipakli na usab ang ministro sa lain na usab nga libro, siya miingon, “lain na usab nga manunulat sa kasaysayan, nga kauban ni Pliny, mao si Tacitus. Sa iyang libro nga “ANNALS (kapitolo 44, pahina 15) siya nagsaysay sa kapungot ni Nero, ug sa paglutos sa mga kristohanon panahon pagsunog sa Roma. Si Tacitus nagsaysay nga ang pulong “Kristohanon” gikan sa ngalan nga “Kristo.” Siya naghisgot nga si Jesu-kristo, ang founder sa tinuohang kristohanon ug gisilutan sa kamatayon ni Punso Pilato, tig-pangitag mga butang sa Judea panahon sa paghari ni Emperador Tiberius. Tanan kining mga ditalye nga gihatag ni Tacitus mihaum gayod sa mga panghitabo nga ngalan, ug dapit nga gisaysay sa Bibliya.”

“Pastor, wala ako masayod sa mga butang sama niana diha sa kasaysayan! “matud pa sa batan-on nga bisita.

Dugang sa ministro, “gusto kong imong mahibaloan nga niadtong tuig 180 A.D. si Celsus nagsulat ug libro nga nag-ataki sa mga kristohanon, nagtumbok nga ang kristianismo niadto nga panahon nahimong mga pinugos nga mga hinukman.

“Kon nagduda ka pa gyud, hinumdumi nga ang upat ka ebanghelyo susama lang niining kasaysayan sa kalibutanon nga mga libro.”

Sa diha nga nasayran niining batan-ong lalaki nga pariho ang balaan ug kalibutanon nga kasaysayan nagkauyon nga si Jesus nagkinabuhi ingon nga tawo dinhi sa yuta, Siya milakaw ug kombinsido nga mitoo nga si Jesu-kristo tinuod, makasaysayan nga hulagway.

1. SI KRISTO MILUNGTAD GIKAN SA ETERNIDAD

Si Jesus dili ultimo nga tawo, siya usab Dios, unsay gi-ankon ni Jesus mahitungod sa iyang kaugalingon sa iyang pagka Dios?

“Kon nakaila pa kamo kanako, makaila usab unta kamo sa akong Amahan, sukad karon nakaila na kamo kaniya ug makakita na kaniya. Ang nakakita kanako nakakita sa Amahan.”—Juan 14:7-9

Kon gusto kang mahibalo sa tubag sa pangutana

“Kinsa ang Dios? Unsay iyang sama? Tutuki lamang si Jesus nga nagdeklarar,

“Ako ug ang akong Amahan usa ra.”—Juan 10:30.

Ang Dios nga Amahan ug si Jesus nga Anak dungan sa paglungtad gikan sa eternidad (Heb, 1:8) walay gutlo sa panahon nga si Jesus wala makig-uban sa Amahan. Ang Amahan nakigpahat sa samang gugma ug pag-amuma sa matag usa ka tawo nga gidemonstrar ni Jesus panahon sa Iyang tawhanon nga kinabuhi dinhi sa yuta.

2. SI KRISTO, ANG KASINGKASING UG TINUBDAN SA KASAYSAYAN UG PROPESIYA

Tungod kay ang kasaysayan ug sugilanon sa kinabuhi ni Kristo mao ang katumanan sa propesiya, ang sugilanon sa iyang kinabuhi nasulat sa wala pa siya matawo. Ang mga propesiya sa daang tugon nagpresentar sa tataw sumbanan sa kinabuhi ni Kristo, kamatayon, ug pagkabanhaw nga gikabutyag nang daan. Ang Iyang sugilanon sa Iyang kinabuhi diha sa bag-ong tugon kini gusulti lang sa katumanan.

Nagkinabuhi gikan sa 500 ngadto 1,500 ka mga katuigan sa wala pa matawo si Kristo, ang mga profeta sa daang tugon naghimog mga detalye nga mga prediksyon mahitungod sa kinabuhi s mesiya, ug sa pinakasinugdanan sa yutan-ong pag-ministeryo ni Kristo, ingon nga katawhan nagkomparar ug gitandi ang kinabuhi ni Kristo diha sa daang tugon nga mga propesiya, unsay ilang panapus nga gikasulti?

“Among gikahibalag siya nga mahitungod gani kaniya si Moises diha sa kasuguan ug usab ang mga profeta nanagsulat mahitungod kang Jesus nga Nazareton, nga anak ni Jose.”—Juan 1:45)

Ang manluluwas naghangyo sa pagtuman sa mga propesiya aron maistablisar ug matukod ang Iyang kaugalingong pagkaila.

“Ug sugod kang Moises ug sa tanang profeta, iyang gisaysay kanila ang mga butang sa tibuok nga kasulatan mahitungod sa iyang kaugalingon.”—Lukas 24:25-27.

Ang katumanan sa mga propesiya naghatag ug madanihong ebedensya nga si Jesus mao ang gisaad nga Mesiya.

3. ANG KINABUHI NI KRISTO KATUMANAN SA PROPESIYA

Atong hisgutan ang pipila niini nga mga suhito sa propesiya gikan sa daang tugon. Ug ang ilang katumanan diha sa bag-ong tugon nga nahasulat.

Iyang Lugar Natawhan

Ang propesiya sa daang tugon:

“Apan ikaw, BETHLEHEM Ephrat, ikaw nga diotay nga lunsod diha sa taliwala sa mga linibo nga mga banay sa Juda, gikang kanimo dunay usa nga mogula nganhi kanako nga mahimong magmamando sa Israel; kang kansang kaagi sa kagikanan gikan pa sa kanhing panahon, gikang sa walay katapusan.”—(Micah 5:2)

Ang katumanan sa Bag-ong tugon,

“Si Jesus natawo didto sa BETHLEHEM sa Judea.”—(Mateo 2:1)

Ang Iyang Putli Nga Pagkatawo

Ang propesiya sa Daang Tugon:

“Ania karon, ang usa ka ULAY manamkon ug maga anak ug usa ka anak na lalaki ug pagatawgon ang iyang ngalan Emmanuel.”—(Isayas 7:14).

Ang katumanan sa Bag-ong Tugon:

“Jose anak ni David ayaw pagpanuko sa pagpangasawa kang Maria, kay KANANG IYANG GIPANAMKON GIKAN SA ESPIRITU SANTO, ug iganak niya ang usa ka bata nga lalaki, ug siya imong paganganlan si Jesus, (Ang Ginoo nga mogawas).—(Mateo 1:20-23).

Ang Iyang Kagikan—gikan Sa Tribu Ni Judah

Ang propesiya sa Daan Tugon,

“ANG CETRO SA GAHUM DILI PAGAKUHAON KANG JUDAH, hangtod nga moabut sa Shilo.”—(Genesis 49:10).

Ang bag-ong tugon nga katumanan;

“Dayag man kaayo nga ang ATONG GINOO NATAWO GIKAN SA KALIWAT NI JUDAH.”—Hebreohanon 7:14

Ang Pagsalikway kaniya.

Ang propesiya sa Daang Tugon:

“Gitamay siya ug GISALIKWAY sa mga tawo”—(Isayas 53:3).

Ang katumanan sa Bag-ong Tugon:

“Siya nahiabut diha sa iyang kaugalingon, apan ANG IYANG MGA TAWO WALA MODAWAT KANIYA.”—(Juan 1:11).

Ang Pagbudhi Kaniya Ug Ang Gibayad Sa Nagbudhi Kaniya

Ang propesiya sa Daang Tugon:

“Bisan ang akong SUOD NGA HIGALA, nga akong gisaligan nga nakakaon sa akong tinapay, nag-alsa sa iyang tikod batok kanako.”—(Salmo 41:9).

“Ako miingon kanila, kon gihunahuna ninyo nga maayo, ihatag kanako ang akong suhol ug kon dili man, pasagdi nalang. Busa ila akong gitimbangn sa akong suhol sa KATLOAN KA BUOK NGA SALAPI.”—(Zacarias 11:12).

Katumanan sa Bag-ong Tugon:

“Unya ang usa sa dose ka tinun-an nga ginganlan si Judas Iscariote, miadto sa mga sacerdote nga punoan ug miingon, “unsa may inyong ihatag kanako kon itugyan ko siya kaninyo? Ug siya ilang gibayaran ug KATLOAN KA SALAPI.”—(Mateo 26:14-15).

Ang Iyang Kamatayon Diha Sa Krus

Ang propesiya sa Daang Tugon:

“Ilang GILANSANG ANG AKONG MGA KAMOT ug mga tiil.”—(Salmo 22:16).

Ang katumanan sa Bag-ong Tugon:

“Ug sa pag-abot nila sa dapit nga ginganlan ug kalabira, didto ILANG GILANSANG siya sa krus.”—(Lukas 23:33).

Ang Iyang Pag-ikyas Gikan Sa Lubnganan

Ang propesiya sa Daang Tugon:

“Tungod kay DILI MO PAGABIYAAN ANG AKONG KALAG SA SHEOL, ni motugot ka nga ang imong balaan makakita sa pagkadunot.”—(Salmo 16:10).

Ang katumanan sa Bag-ong Tugon:

“Siya nakapanglantaw nang daan ug miingon mahitungod sa pagkabanhaw ni Kristo, nga kini SIYA WALA BIYAI DIDTO SA HADES, ug ang iyang lawas wala moagi sa pagkadunot. Kin-ing maong Jesus gibanhaw sa Dios, ug kaming tanan mga saksi niini.”—(Buhat 2:31,32).

Kining mga lig-ong ebidensiya nga si Jesus wala lamang mohaum o mahitabo sa pipila ka mga pag-pamatuod. Ang Iyang kaagi sa kinabuhi gisulat nang daan sa wala pa siya pinaagi sa Diosnong paagi.

Ang tinuod, si Jesus Anak sa Dios.

Human nasuta ang katin-awan, kinahanglan atong himoon ang mainampuon nga desisyon mahitungod kon kinsa ang atong himoon nga Ginoo sa atong kinabuhi. Kon wala pa ikaw makahimo niini, imo bang itugyan ang imong kinabuhi sa mga kamot ni Jesus?

4. ANG DIOSNONG PLANO SA PAGKINABUHI

Si Jesus nagkinabuhi sa Diosnong Plano sa kinabuhi, nga gihan-ay nangdaan gatusan ka mga katuigan sa wala pa siya magpakatawo. Kanunay nga andam niini nga mga butang, nagpabilin siya nga sensitibo sa paggiya sa Dios. Si Kristo nag-ingon,

“Nga wala akoy ginabuhat sa kinaugalingon kong pagbulot-an, hinonoa nga nagasulti ako sa ingon sumala sa gitudlo kanako sa Amahan.”—Juan 8:28,29.

Giplano na sa Dios ang tawhanon nga kinabuhi ni Jesus sa wala pa siya matawo, ug ang Dios usab adunay plano sa matag nilalang nga tawo. Siya nasayod unsaon sa matag usa kanato ang pagtuman sa atong mga pangandoy aron makakaplag sa abunda nga kinabuhi.

Si Rey dili kaayo asegurado nga gusto motugyan ngadto sa plano sa Dios, apan sa naga-atubang siya sa daku nga desisyon diin siya mo-adto sa kolihyo, nakahukom siya sa unang higayon sa iyang kinabuhi pag-pangayog tabang sa balaang pagmando mahitungod sa suhito. Nag-ampo siya sa makadaghan ug naghulat, paabut sa tubag, wala madugay medyo tataw ang mga rason nganong iyang pilion ang opsiyon B. Ang minus gastos apan dako nga unibersidad, wala madugay huma nagsugod ang klase, nakahibalag siyag mga maayong kristohanon nga nasakop didto sa Campus Crusade For Christ. Ang iyang kasinatian uban kanila panahon sa sunod nga duha ka tuig nagsugod pagkausab ang iyang kinabuhi.

Sa gihanduraw ni Rey and iyang kagahapon, iyang nabati nga kada siya maga-atubang sa dagko nga desisyon unya mangita sa balaang paggiya, “Ablihan sa Dios ang tibuok bag-ong luna sa akong kinabuhi.”

Unsaon nimo pagkahibalo ang plano sa Dios alang sa imong kinabuhi? Ang Dios magagiya sa daghang mga paagi.

(1) Ang Balaang Kasulatan

Sumala sa Salmista, unsay giya nga libro sa kinabuhi?

“Ang imong pulong maoy lamparahan sa akong mga tiil, ug kahayag sa akong alagianan.” — Salmo 119:105.

Ang pulong sa Dios magabag-o sa atong mga hunahuna ug nagahatag kanato ug mga panglantaw (Roma 12:2, Salmo 119:99) usa ka regular nga panahon sa mainampoon nga pagtoon sa kasulatan maoy pinakamaayong paagi sa pagkab-ot sa atong mga buluhaton.

(2) Diosnong Kahimtang

Ang Dios usab magagiya kanato pinaagi sa diosnong paggiya sa atong kahimtang.

Ang Salmo 23 naghulagway kaniya ingon nga maayong magbalantay. Ang magbalantay maga-una sa iyang karnero ngadto sa mga kapatagan maingon man sa bato-on nga dal-og ug lugot. Siya takus sa pagtambang sa kaayohan ug pagtoon gikan sa matag kasinatian. Aduna kitay magbalantay nga magabantay duol sa atong kiliran.

(3) Direkta Nga Pakigsulti Sa Dios Ngadto Sa Kasing-kasing

Ang Dios usab magagiya kanato pinaagi sa pagsulti sa atong konsensiya. Ang spiritu magapahat “sa mata sa imong kasingkasing,” (Episo 1:18). Ang dugang ug lig-on natong pagtoon pagpakigsulti uban sa Dios, sa dugang nga siya magagiya kanato. Siya maga-umol sa sulod nato, sa atong mga pagbati ug sa atong pangatarungan ug pagpanghukom aron atong makita sa dayag ang sunod nga ang-ang nga atong gikinahanglan.

5 ANG MGA GIYA KINAHANGLAN MOHAUM

Kini possible, dayag nalang; sama pananglitan ikaw nagkinabuhi sa Diosnong paggiya sa dihang nag-sunod ikaw sa imong kaugalingong pagbulot-an (Prov. 16:25). Ang atong mga pagbati kinahanglan magauyon uban sa pagtulon-an sa kasulatan. Dili maayo ang paghukom nga ang Dios magauna kanato hangtud ang tanang tulo ka mga giya nagakauyon.

Si Jake, pananglitan aduna siya’y maanindot nga asawa ug duha ka anak, apan nakigrelasyon sa lain nga babaye, gisuginlan niya ang iyang mga higala. “Akong giampo kini ug akong gibati nga kabubut-on kini sa Dios.”

Ang emosyon ni Jake ug ang “kahiladman nga pagbati” sa dayag nagadala kaniya paubos sa sayop nga dalan. Iyang gi-imagine nga kini “langitnon” nga iyang nahimamat kining laing babaye ug wala mosibog sa paghunahuna sa pagmando sa Bibliya batok sa panapaw. Ug ang Bibliya “Ang balaod ug ang testimonya,” mao ang gamhanang giya nga basahon, ang katapusang hukom alang pag-ila sa maayong aksiyon (Isais 8:20). Kinahanglan dili kita motugot sa mga pagbati nga maga-una kanato palayo gikan sa prensipyo sa Balaang kasulatan.

6 PAGTUGYAN NGADTO SA PLANO SA DIOS

Pag-abot sa yawa aron pagtintal ni Jesus didto sa kamingawan, siya misugyot, “kon ikaw lamang magapalabay sa masakit nga mga pag-antus nga giplano sa imong Amahan alang kanimo, akong ihatag ang kalibutan diha sa palad sa imong mga kamot uban ang kabantog, bahandi ug komportable nga stilo sa kinabuhi.” naggamit gani ang yawa sa pulong sa kasulatan pagsulay paggiya ni Jesus pagpahilayo. Apan sa matag gutlo si Jesus makigbisog kaniya uban sa mga pulong. “NAHASULAY NA” (Mateo 4:1-11).

Usa ka gamhanang leksiyon atong matun-an gikan sa kinabuhi ni Jesus, mao ang pagtugyan ngadto sa kabubut-on sa Amahan bisan taliwala sa makalilisang nga kasakitan didto sa Getsemane, mihilak siya “Amahan ko, kon mahimo, ipasa kining kupa gikan kanako. Apan dili sa akong kabubut-on, kon dili ang imong kabubut-on,” (Mateo 26:39). Human sa tulo ka tuig sa Iyang pagministro, nagakinabuhi adlaw-adlaw uyon sa plano sa Iyang Amahan, ang katapusang mga pulong ni Kristo mao ang; “natapus na” (Juan 19:30). Si Jesus sa tinuod nagsulti, “Ang giplano sa Dios sa akong kinabuhi, natuman ug nahingpit na karon.”

Sa imong pagpaminaw sa tingog sa Dios nga nagakahiusa sa pagsulti pinaagi sa iyang pulong, sa hinan-ay nga kahigayonan, ug direkta nga mga pagbati, imong matun-an ug pagdawat sa iyang paggiya sa tibuok nga kasingkasing. Bisin ikaw makadiskobre sa kalipay nga giplano sa Dios ug kinabuhi nga giniyahan sa Dios.